



অবিলম্বে প্রকাশের উদ্দেশ্যে: 9/29/2023

গভর্নর ক্যাথি হোকল

গভর্নর হোকল অত্যধিক বৃষ্টিপাতের ফলে সৃষ্ট হঠাৎ বন্যার কারণে সম্পূর্ণ নিউ ইয়র্ক সিটি, লং আইল্যান্ড এবং হাডসন ভ্যালি অঞ্চলের জন্য জরুরি অবস্থা ঘোষণা করলেন

শুক্রবার সকালের শেষভাগ পর্যন্ত ক্রকলিনে ছয় ইঞ্চির বেশি বৃষ্টিপাতের খবর পাওয়া গেছে

সর্বাধিক ক্ষতিগ্রস্ত অঞ্চলে হঠাৎ বন্যার সতর্কতা জারি

বন্যার সতর্কতা তুলে নেওয়ার আগ পর্যন্ত সতর্ক থাকতে এবং বন্যার পানির মধ্যে দিয়ে হাঁটা বা গাড়ি চালানো এড়িয়ে চলতে নিউ ইয়র্কবাসীকে তাগিদ দেওয়া হয়েছে

স্টেটের স্বদেশ নিরাপত্তা ও জরুরি সেবা বিভাগ পরিস্থিতির পর্যবেক্ষণ করছে এবং স্থানীয় সরকারের সাথে সকল সংস্থান চাহিদার সমন্বয় করছে

গভর্নর ক্যাথি হোকল আজকে সম্পূর্ণ নিউ ইয়র্ক সিটি, লং আইল্যান্ড এবং হাডসন ভ্যালি অঞ্চলের জন্য জরুরি অবস্থা ঘোষণা করেছেন যেহেতু ডাউনস্টেট অঞ্চলে ভারী বৃষ্টিপাত অব্যাহত রয়েছে। ক্রকলিনে হয় ইঞ্চি বৃষ্টিপাতের খবর পাওয়া গেছে, যার চরম অবস্থা ছিলো ঘণ্টায় তিন ইঞ্চি বৃষ্টিপাত, যার ফলে হঠাৎ বন্যা এবং অগণিত ঝড় সম্পর্কিত যাত্রা ও পরিবহন প্রভাবের সৃষ্টি হয়েছে যা শুক্রবার সকাল পর্যন্ত অব্যাহত আছে।

"ক্ষতিগ্রস্ত এলাকায় চলমান ঝড় এবং বন্যার সাড়াদানে সাহায্য করার জন্য আমি নিউ ইয়র্ক সিটি এবং আশেপাশের কাউন্টিতে জরুরি অবস্থা ঘোষণা করছি যা অবিলম্বে কার্যকর হবে," **গভর্নর হোকল বলেন।** "আমার দল আমাদের সিটি এবং কাউন্টি অংশীদারদের সাথে নিবিড় যোগাযোগ রেখেছে এবং নিউ ইয়র্কবাসীকে নিরাপদ রাখতে যেকোনো প্রয়োজনীয় সমর্থন প্রদানে প্রস্তুত আছে।"

গভর্নর হোকলের নির্দেশনায়, নিউ ইয়র্ক স্টেট স্বদেশ নিরাপত্তা ও জরুরি সেবা বিভাগ (New York State Division of Homeland Security and Emergency Services, DHSES) স্টেটের জরুরি পরিচালনা কেন্দ্র (Emergency Operations Center) সক্রিয় করেছে যাতে সক্রিয়ভাবে বাস্তব সময়ে ঝড়ের পরিস্থিতি পর্যবেক্ষণ করা যায় এবং স্থানীয় সরকারসমূহের সহায়তার অনুরোধ সমর্থন করা যায়। স্টেটের অগ্নি প্রতিরোধ এবং নিয়ন্ত্রণ অফিস (Office of Fire

Prevention and Control) এর অগ্নি পরিচালনা কেন্দ্র (Fire Operations Center) সক্রিয় করেছে যাতে বন্যার জরুরি সাড়াদানে সহায়তা করার জন্য নাসাউ কাউন্টি ও ওয়েস্টচেস্টার কাউন্টি উভয় স্থানে বন্যা উদ্ধার দল মোতায়েন করা যায়।

জাতীয় আবহাওয়া সেবা (National Weather Service) নিউ ইয়র্ক সিটি, লং আইল্যান্ড এবং হাডসন ভ্যালি অঞ্চলের অধিকাংশের জন্য একটি বন্যা সতর্কতা জারি করেছে। পরিস্থিতির পরিবর্তনের সাথে হঠাৎ বন্যার সতর্কতা জারি করা হচ্ছে। উপকূলীয় বন্যার সতর্কতাও কার্যকর আছে।

আবহাওয়া সতর্কতা এবং পূর্বাভাসের একটি সম্পূর্ণ তালিকার জন্য, জাতীয় আবহাওয়া সেবার ওয়েবসাইট alerts.weather.gov ভিজিট করুন। নিউ ইয়র্কবাসীদের স্টেটের বিনামূল্যের জরুরি সতর্কবার্তা ব্যবস্থা alert.ny.gov -এ NY-অ্যালার্টের জন্য সাইন আপ করতে উৎসাহ দেওয়া হচ্ছে। কাউন্টিভিত্তিক জরুরি তথ্য টেক্সট বা ইমেইলের মাধ্যমে প্রেরণ করা যেতে পারে।

অতিরিক্ত স্টেট এজেন্সির সাড়াদান

নিউ ইয়র্ক স্টেট পরিবহন বিভাগ (New York State Department of Transportation)

ঝড়কে সামনে রেখে, পরিবহন বিভাগের (Department of Transportation, DOT) দল সক্রিয়ভাবে ঝড়ের ড্রেইন এবং গাটার পরিষ্কার করেছে যাতে পানির প্রবাহ অব্যাহত থাকে। কর্মীরা এখন সক্রিয়ভাবে ডাউনস্টেটের রাস্তায় টহল দিচ্ছে এবং বন্যার পরিস্থিতি পর্যবেক্ষণ করছে, ভেঙ্গে পড়া গাছ পরিষ্কার করছে এবং বন্যা পরিস্থিতি কম হওয়ার অপেক্ষা করছে।

পুরো নিউ ইয়র্ক সিটির রাস্তা বন্যা কবলিত হয়েছে।

হাডসন ভ্যালিতে নিম্নলিখিত রাস্তা বন্ধ আছে:

- ইয়োঙ্কার্সের পামার অ্যাভিনিউতে উভয় দিকের ব্রক্স রিভার পার্কওয়ে
- হোয়াইট প্লেইনসের চ্যাটারটন অ্যাভিনিউয়ের NY 119 ট্যারিটাউন রোডের এক্সিট 21 এ, উভয় দিকের ব্রক্স রিভার পার্কওয়ে
- ইস্টচেস্টারে স্টার্ট রুট স্প্রিং ব্রক স্টেট পার্কওয়ে এবং এক্সিট NY 100 এর মাঝখানে, উভয় দিকের স্প্রিং ব্রক স্টেট পার্কওয়ে
- মাউন্ট ভার্ননের ক্রস কাউন্টি পার্কওয়েতে উত্তরমুখী ব্রক্স রিভার পার্কওয়ে
- গ্রিনবার্গের জ্যাকসন অ্যাভিনিউতে উত্তরমুখী স্প্রিং ব্রক স্টেট পার্কওয়ে
- নিউ ক্যাসলের ওল্ড হাউজ লেনে, উভয় দিকের NY 117
- গ্রিনবার্গের I-287 র্যাম্প এবং এক্সিট 20 - I-87 এর মাঝখানে, উভয় দিকের স মিল রিভার পার্কওয়ে

লং আইল্যান্ডে নিচের রাস্তা বন্ধ আছে:

- সকল রাস্তা খোলা আছে
- মিডোরক স্টেট পার্কওয়েতে পূর্বমুখী নর্দার্ন স্টেট পার্কওয়ে - বামের লেন প্লাবিত, DOT সাইটে আছে
- লেকভিল রোডের নিকট লং আইল্যান্ড এক্সপ্রেসওয়ের নর্থ সার্ভিস রোড - সকল লেন প্লাবিত, কিন্তু অতিক্রমযোগ্য।
- ক্রস আইল্যান্ড পার্কওয়ে/বেল্ট পার্কওয়ে ইন্টারচেঞ্জের নিকটে পশ্চিমমুখী সাউদার্ন স্টেট পার্কওয়ে - বাম এবং কেন্দ্রীয় লেন প্লাবিত, DOT সাইটে আছে
- সানরাইজ হাইওয়েতে উত্তরমুখী ওয়ানটা স্টেট পার্কওয়ে থেকে গাছ অপসারণ করা হয়েছে
- ওয়ানটা স্টেট পার্কওয়ে এবং বে পার্কওয়ে - বন্যা মুক্ত করা হয়েছে
- ক্রুকোড হিল রোড থেকে উত্তরমুখী স্যাগিটকোস স্টেট পার্কওয়ে পর্যন্ত র‍্যাম্প - বন্যা মুক্ত করা হয়েছে; DOT সাইটে আছে এবং পাম্প করছে

আপনার এলাকার রাস্তার সর্বশেষ পরিস্থিতি জানতে 511 পর্যবেক্ষণ করুন।

মেট্রোপলিটন ট্রান্সপোর্টেশন অথরিটি (Metropolitan Transportation Authority)

সাবওয়ে এবং মেট্রো নর্থ রেলরোডে নিরাপদ, নির্ভরযোগ্য সেবা পুনঃস্থাপন করতে ট্র্যাকের স্থান থেকে পানি পাম্প করার জন্য মেট্রোপলিটন পরিবহন কর্তৃপক্ষ (Metropolitan Transportation Authority, MTA) দল সিস্টেমে রয়েছে। লং আইল্যান্ড রেল রোড (Long Island Rail Road, LIRR) সেবা সময়সূচি মতো বা এর কাছাকাছি পরিচালিত হচ্ছে। যাত্রা করতেই হলে গ্রাহকদের উচিত হাতে বাড়তি সময় নিয়ে বের হওয়া, এবং বাস্তব সময়ের সেবার তথ্যের জন্য new.mta.info, myMTA অ্যাপ এবং ট্রেন টাইম দেখা অব্যাহত রাখা।

নিউ ইয়র্ক স্টেট পুলিশ (New York State Police)

স্টেট পুলিশ সক্রিয়ভাবে পরিস্থিতির পর্যবেক্ষণ করছে এবং DHSES, নিউ ইয়র্ক স্টেট থ্রুওয়ে কর্তৃপক্ষ (New York State Thruway Authority, NYSTA), DOT এবং অন্যান্য এজেন্সিতে আমাদের অংশীদারদের সাথে সমন্বয় করছে। আমরা অতিরিক্ত কর্মী নিয়োগ করেছি এবং হাইওয়ে এবং অন্যান্য বন্যা প্রবণ এলাকায় আমাদের প্রয়াস কেন্দ্রীভূত করছি। ওয়েস্টচেস্টার কাউন্টিতে আমরা এয়ারবোট এবং রিজিড ইনফ্ল্যাটেবল নৌকাসহ 6 সদস্যের একটি বন্যা উদ্ধার দল মোতায়েন করেছি এবং তারা বর্তমানে নিউ রোশেলে ডুবে যাওয়া যানবাহন আছে কিনা তা দেখছে। বিকাল 3:00টার সময় বর্তমান দলের স্থানে কাজ করার জন্য আরেকটি বন্যা উদ্ধার দল ওয়েস্টচেস্টারে যাত্রা করেছে এবং মোতায়েনের জন্য আমরা তৃতীয় একটি দল প্রস্তুত করছি।

জনসেবার বিভাগ (Department of Public Service, DPS)

ডাউনস্টেট অঞ্চলের 2,000 এর বেশি গ্রাহক এখন ভারী বৃষ্টিপাতের কারণে বিদ্যুৎহীন আছে। ইউটিলিটি কোম্পানিগুলির ক্ষয়ক্ষতি যাচাই, মেরামত ও পুনঃস্থাপন কর্মীরা শক্তি খাতের অবকাঠামোতে যেকোনো প্রভাব সর্বনিম্ন করতে ও মেরামত করতে কাজ করছে, এবং জনসেবা বিভাগ (Department of Public Service) ইউটিলিটি পরিচালনার নেতৃত্বের সাথে সরাসরি যোগাযোগ রেখেছে এবং ইউটিলিটির সাড়া দান ও পুনঃস্থাপন প্রয়াসের নজরদারি করছে।

হঠাৎ বন্যার নিরাপত্তা পরামর্শ

- বন্যায় ডুবে যাওয়া রাস্তা দিয়ে গাড়ি চালিয়ে যাওয়ার চেষ্টা করবেন না। গাড়ি ঘোরান এবং অন্য রাস্তা দিয়ে যান।
- যদি আপনার গাড়ির চারপাশে দ্রুত পানির উচ্চতা বৃদ্ধি পেতে থাকে, তাহলে অবিলম্বে গাড়ি ছেড়ে বেরিয়ে পড়ুন।
- দ্রুত গতিতে প্রবহমান পানির শক্তিকে ছোট করে দেখবেন না। দ্রুত গতিতে বয়ে চলা দুই ফুট উচ্চতার পানিতে আপনার গাড়ি ভাসিয়ে নিবে এবং দুই মাইল বেগে বয়ে চলা পানি আপনার গাড়িকে রাস্তা বা ব্রিজ থেকে টেনে নিয়ে যাবে।

ব্যক্তিগত প্রস্তুতি জন্য এবং তীব্র আবহাওয়ায় কীভাবে নিরাপদ থাকতে হয় সেই সম্পর্কে আরও তথ্যের জন্য, এখানে যান: <https://www.dhses.ny.gov/safety-and-prevention>।

###

আরো সংবাদ এখানে পাওয়া যাবে: www.governor.ny.gov
নিউ ইয়র্ক স্টেট | এক্সিকিউটিভ চেম্বার | press.office@exec.ny.gov | 518.474.8418

[আনসাবস্কাইব করুন](#)